

知此外更有十八活盤一冊於每局地盤之外一一詳註係按十二地支於某日某時某方合某吉格在所常趨犯某凶煞在所常避行軍者攜帶於身臨陣檢閱瞭如指掌不誤趨避非所謂運籌於帷幄之中即決勝於千里之外乎信爲兵家之一助云

民國十八年舊歷七月十五日來孫 效勳 謹識

奇門占驗

日照丁愷曾尊亭父著

占雨

天柱爲雨師天英爲閃電天輔爲風伯天冲爲雷祖天蓬爲水神爲雲霧壬癸爲水神天蓬遊于坎兌震乘壬癸二干或天柱乘壬癸二干遊于坎兌震三宮又必天英天輔落的天上宮克地下宮者必然風雲雷雨交作又天英天輔看落宮得何干以定日期與直符近則雨速遠則雨遲遊于坤二宮主密雲不雨即遊于三一七宮不乘水神亦主不雨天英臨日干時干主晴天英與天冲合克日干時干主雷電交作或直使臨坤天禽直時上見天罡太冲白虎青龍河魁登明神后神將旺相者多雨又天禽直時直使在坤上見太冲白虎日鬼主雨中有雹

占風以兄爻爲用神占雨以父爻爲用神用黃金策必參用演禽法占風以日上納音與星宿屬木爲準占雨以納音與星屬水爲主即占時身所在之方如何屋何隅

占捕罪人獲否

開門爲官長直使爲公人罪人論年命直使宮空亡不得加臨本人年命速得一內
一外運行空亡如甲子旬中空戌亥地
盤得甲戌己戌六宮是也

占官長喜怒

開門爲官時干爲己開門宮克時干宮被擊刑諸凶格者責罰有凶格不相克無礙
若占得六甲時名爲天輔時或六丁時雖有凶格及被克制亦無妨見尊長亦然
年干爲尊長

占公私事歸結

凡已到官爲公事未到官爲私事看時干落宮時干在坎生于子爲陽氣始生之地
事不能結星旺門順方可成事時干在坤卦氣乃土與地相連陰陽交接行不能行
止不能止時干到震卦生于卯震則動事大發星旺門順可成時干到巽大往小來
始立者生榮已萌者不長新事不止舊事漸消時干到五中央陽坤陰艮復姤接連

萬物得之而生理之而長事不得結時干在乾卦生于亥陰極陽生私事消公事發
時干到兌卦生于酉肅殺之令萬物老死又兌者悅也爲口舌爲官訟陰謀者事體
當泄又爲天地賞善罰惡之地萬物至此而決歸結無疑時干到艮進退無常又艮
者止也占人進退不離其居占事目前雖完後必發時干在離卦生于午陽氣分位
陰氣生焉剛處其外而安居陰柔在內而不安分主公事結私事將起占人有不正
之義也

占禾稼

天任落艮震主豐再得青龍六合功曹主四民樂業若不落艮震主年儉再以貴神
月將分旱澇如天任所在有蛇雀巳午天空太乙主旱傳送天后主澇又生門主麥
傷門主穀看三奇太常功曹貴人在生門宮則收麥在傷門宮則收穀

占蠶

三奇吉門吉宿全于金木宮吉須要不克上宮及門爲良若吉門星奇皆不至金木

宮而更克正宮星及門爲無礙

占蝗

死傷驚杜臨日干主蝗來反此不來

占種植

天冲爲草天輔爲樹木各看所落宮旺相生休因死生者活克者死吉格生凶格死旺相來生有吉格主茂盛休囚來克有凶格主焦枯吉凶格半者或先活後死或先枯後生又壬癸戊己四干來生者活不生者終死又得三爲生五爲死又時干入墓五不遇時庚丙格勃俱不吉值伏吟陽星吉陰星凶

占人謀害

庚爲仇甲爲己庚金落宮克甲落宮有謀害甲落宮克庚落宮不謀害甲落宮受擊刑有害旺相雖擊刑不害庚上下二盤星皆克庚及甲申庚作直符俱不能害

占逃難方向

看杜門六丁六癸六己或六合宮天上天冲及生門所臨方又生本時干數者合一則吉再遇三奇吉星則大吉反此不利

占避難可否

避兵看六庚避賊看天蓬避官訟看六辛時干爲己六庚克時干不加內地不必避或加內地不克時干或克時干不加時干或加時干不克時干俱不必避克時干臨內地加時干俱全當避天蓬六辛同此避仇人先動者爲客爲陽六丙主之後動者爲主爲陰六庚主之客占以六庚落宮克六丙落宮又臨內地當避或克不臨內地或臨內地不克俱不必避若六庚乘休囚之宿加丙不必避乘旺相之宿加丙當避主占看六丙亦然丙不臨六庚凡事將退亦不必避

占求師傳道

所往之方得天芮可遇師來生時干傳道無疑來克時干必不投合時干克生天芮亦無用天芮方有三奇吉門及諸吉格方爲明師不然非明師

占設教

天輔爲師直符爲主者天芮爲弟子直符宮生天輔宮天輔宮再得三奇吉門及諸吉格者成餘不成又天芮在旺相宮子弟多在休囚宮子弟少又所往方得三奇吉門及諸吉格者利無吉格吉門不利

占鴉鳴

凡遇鴉鳴急視景門在直符前一劫迫來臨前二口舌前三婚姻不然爭訟閨講門庭前四門歐財利相爭直符後一事涉女人後二欺蔽淫慾奸萌後三亡失衣物犧牲更尋六丙下直何神河魁貴人有災六畜有傷從魁在下寡婦傳音上逢吉將酒食邀迎傳送在下人來覓物小吉在下婦人喜成勝光在下徵召歡忻太乙在下大吏相尋天罡在下爭鬥訟死太冲在下酒食邀迎功曹在下慶賀大吉大乙在下親戚得朋神后在下事必奸淫登明在下吏索公文又須聽聲過何方遇吉門則吉凶門則凶

占雀噪

看朱雀所臨下得何奇何門開門得奇主親朋至或行人歸或酒食蓋奇主有喜事喜信及婚姻事生門蓋奇主得田宅財物頭畜事不得三門及門迫奇慕俱無關係更看景門所臨吉格則有喜信凶格則有憂信或小惱

占怪異

如狗噓釜鳴火笑水笑牝雞鳴晨之類以時干所加下得三奇吉門吉星吉格者平安無奇門星格凶者有事吉多凶少禍亦無妨吉少凶多有礙在內前半年在外後半以入宮定月期

占夢

看地盤夢時時干上門星俱凶得三奇吉格或無三奇吉格星門俱吉者無吉凶得星得門又得三奇吉格夢吉即吉夢凶亦吉不得星門及三奇吉格夢凶凶夢吉亦凶若時得六甲旬中空亡卽屬幻景無關係

占動四體

眼屬肝爲木爲震耳屬腎爲水爲坎肩屬脾爲土爲坤左臂屬巽右臂屬坤左足艮右足乾右脇屬兌左脇屬震背腹屬中五若有跳動以本方上得何奇門星格決之得奇門者吉不得奇門者平平凶格者不吉

占風知賊數目

以風來處爲月期以日辰爲里數以發時支干爲人衆多寡旺氣十倍相五倍休廢如數因死減半假令甲子日風從坎來半夜起止日申坎居子位主十一月來在九十里或九百里爲日屬子也其人或九人或九十人九百人多則千萬言之惟以時之支干爲斷也

占禱祀

凡祈禱雨澤祭祀禳福一切書符作法造進表詞之類當看天禽所在下得風雲鬼龍神五邇方驗反此不驗

占求仙

地盤本身日干爲主上得心芮二星生門並六儀三奇俱生日干占時又得六癸者可求若無心芮二星是無明師有心芮二星不得生門並六儀三奇來生本身日干者亦不成

占燒丹真訣成否

凡煉火丹及一切爐火事坎爲真鉛休門主之震爲真汞傷門主之離爲真砂景門主之兌爲真金驚門主之餘乾金艮土巽木爲雜氣又月將加本時子爲真鉛午爲真砂卯爲真汞酉爲真金其實申巳亥爲雜氣貴神六合爲真汞朱雀爲真砂太陰爲真金玄武爲真鉛餘天后白虎騰蛇青龍爲雜氣天蓬爲真鉛天冲爲真汞天英爲真砂天柱爲真金餘心任輔芮爲雜氣凡此俱會中五宮地盤得丙丁二火天盤得壬水可成又得真銀鉛砂汞者成內有雜氣不成

換將訣

一時之內數人占以將加時月將遷陽將後三之神取陰將前三之神專

日出入歌

正九出乙入庚方二八出卯入酉鄉三七發甲藏辛地四六出寅戌位藏五月生艮歸乾上仲冬出巽入坤方惟有十月十二月出辰入申仔細詳

寅時訣

正九五更二刻徹二八五更四點歇三七平明是寅時四六日出寅時揭五月日高三丈地十月十二四更二仲冬纔到四更初便是寅時君須記

月出時歌

三辰五巳八午真初十出未十三申十五酉十八戌二十亥時見月循二十二三月發子二十四五丑上臨二十七八寅刻出三十初一卯正尋

考原納甲曰坎離爲日月本體居中不用震直生明一陽始生月見庚方兌直上弦二陽浸盛月見丁方乾直月望三陽盛滿月見甲方俱以初昏候之巽直生魄一陰

始生月見辛方艮直下弦二陰浸盛月見丙方坤直月晦三陰盛滿月見乙方俱以

平明候之 參同契曰三日出爲爽震庚受西方八日兌受丁上弦平如繩十五乾體就盛滿甲東方七八道已訖屈折低下降十六轉就統巽辛見平明艮直于丙南下弦二十三坤乙三十日東北喪其朋節盡相禪與繼體復生龍壬癸配甲乙乾坤括始終朱子以爲卽先天之傳而方外之流祕相付授以爲丹灶之術今火珠林卜卦京房占法卽其法也

納甲

納之爲言受也容受六甲于八卦中也易者逆也數皆以逆而推之乾納甲壬坤納乙癸乾坤包括始終之義也餘六卦法畫卦者之自下而上震巽陰陽起于下故震納庚巽納辛坎離陰陽交于中故坎納戊離納己艮兌陰陽極于上故艮納丙兌納丁五陽干皆納陽卦五陰干皆納陰卦

納音

甲子海中金 丙寅爐中火 戊辰大林木 庚午路傍土 壬申劍鋒金
 乙丑山頭火 丁卯潤下水 己巳城頭土 辛巳白銀金 癸未楊柳木
 甲辰井泉水 丙辰屋上土 戊午霹靂火 庚申松柏木 壬戌長流水
 乙巳砂中金 丁巳山下火 己未平地木 辛未壁上土 癸酉金箔金
 甲申覆燈火 丙申天河水 戊酉大驛土 庚戌釵釧金 壬子桑柘木
 乙酉大溪水 丁酉砂中土 己亥天上火 辛亥石榴木 癸亥大海水

理愚歌云五行真假少人知大衍先排四九枝當除甲己子午九乙庚丑未八數推
 丙辛寅申同除七丁壬卯酉六去宜戊癸辰戌皆除五己亥堪除四去之後將五數
 追除了餘者相生不用疑水一火二木三是金四土五最幽微此是乾坤真甲子知
 時須是泄天機 又曰六旬甲子妙幽玄七七抽除地與天五成零求生數理納音
 得此幾人傳 按五行真假者納音是也乃大衍數也先佈大衍四十九數次將甲
 己子午九乙庚丑未八丙辛壬申七丁壬卯酉六戊癸辰戌五己亥當四數依數除

之除減不盡按五行之數餘者水一火二木三金四土五相生娶妻便是納五行相
 生者餘一生木餘二生土餘三生火餘四生水餘五生金且如甲子乙丑干支共除
 三十四數外有十五以二五除了一十餘五屬土土生金是甲子乙丑金也又如丙
 寅丁卯干支共除二十六數外有二十三以四五除了二十餘三屬木木生火是丙
 寅丁卯火也餘仿此推妻景先生以前曾無金在海火在爐之說 甲為天之首子
 為地之首甲子至壬申九數甲已相合子午對沖故云甲己子午九乙丑至寅申八
 數乙庚相合丑未對沖故云乙庚丑未八丙寅至壬申七數丙辛相合寅申對沖故
 云丙辛寅申七丁卯至壬申六數丁壬相合卯酉對沖故云丁壬卯酉六戊辰至壬
 申五數戊癸相合辰戌對沖故云戊癸辰戌五己巳至壬申四數己亥對沖故云己

亥單四數

係何渾天支干所得何宿入中宮飛泊看風兆兩兆在何方以分野別其地方或旱或澇如見矣占卦父兄持世而旺決其風雨否則以世爻干支入中宮飛泊看臨何方以二十四山別之風旺于何方則係何風

占雷

天冲直時傷門在乾巽上見騰蛇朱雀從魁太冲主有雷

占雪

乾兌二宮主之或天心乘壬癸二干到兌或天柱乘壬癸二干到乾皆主雪各以落宮所得之干以定其期或天蓬直時直使在巽見天罡勝光日破主雪中有雷見神后太陰玄武亥子從魁主大雪朱雀風伯雨師有小雪天蓬六合傷門爲直使會震主大雪久陰

占晴

天輔爲風伯天英爲火神天輔乘旺相落離九宮或克下落的宮或克日時二干主

風晴天英乘旺相落三四宮或克日時二干亦晴天冲直時傷門在乾巽上見大吉小吉勾陳天后主晴大抵白虎主風玄武主雨再以頂盤八貴神兼看無不驗其日期亦以落何宮係何干定之又陽星易于合于陰門之上及有干元帶合則克日晴凶于相全不晴凶星凶干全更無干元之合有雨

占攻城

六庚乘旺相星得開門加中五宮其城可克又地盤天禽所落之宮得旺相及吉門者其守將可擒得休囚廢沒及凶門者其守將必死

占守城

天禽落宮得生休景開再旺相有六丙其城可守如無吉門旺相再犯天蓬乘六庚加入中宮不守

占援兵

凡被攻圍日久六庚開門作敵人必六丙景門合生天禽或在左右之宮必有援兵

近而且速若在離宮遠少遲若六丙景門休因受克援兵不至若天禽乘六庚則攻者不克可守

占賊臨境城可居否

直符加時干爲動爲客直使加時支爲靜爲主支宮受直符所落宮克再乘六庚玄武此城當棄或直使被宮下來克上此城亦不居如直符宮來與直使宮相生比或受刑克敵人雖來不能取勝其城可守或直使宮神相生比亦守無妨

占勝敗

直符落宮爲主六庚落宮爲客直符落宮克六庚落宮主勝反是客勝又旺相則勝若休囚則負如主宮得景驚二門或二門與主宮相生客勝如主客相生來必請和主與客所乘旺相二門及相克刑其力相等不全則兩相恐懼不戰而退六庚爲直符即主客同宮不分勝負又日干加庚主勝庚加日干客勝凡遇敵捕盜黃金策天乙數皆可用占勝負如世與方屬此應與干屬彼此強而遇

吉神則此勝彼弱而遇惡煞則彼敗互觀可知矣當中間爻與月將日神近此向此之人近彼者助彼之人近彼而生扶此近此而生扶彼則爲反噬壞事之人觀此亦可知勝負之所在矣 占訟亦視此法

占賊方位

視玄武所立神爲來方支臨爲去方玄武盜神乘天驛二馬盜賊從克方踰垣越屋而入若無天驛二馬必穿穴而入 玄武盜神與長繩玄索煞並者其賊跳屋從天窗中緣繩索而下玄武盜立地方從水竇而入

占何人爲盜

玄武屬陽爲男屬陰爲女有氣爲少無氣爲老次看何類爲之寅爲吏人卯爲經犯人辰戌爲凶惡軍人已爲手藝人店舍爐冶人丑午爲旅客申爲過犯人未爲熟識人酉爲匠及金銀賭博酒客亥子多水族吉神併者豪縱子凶神病因外家兒

占賊來去

冬至後自坎至巽四宮爲內自離至乾四宮爲外夏至後自離至乾爲內自坎至巽爲外敵人未至六庚臨內四宮爲至臨外四宮不至六庚落宮克六庚安營不穩自驚而退如克落宮再乘玄武天蓬白虎來必大戰得九天張大聲勢鳴鼓而進得九地假旗息鼓而來賊已入境看六庚在內四宮爲不去在外四宮爲去總以地盤干支年月日時爲來去之則又太白入熒主賊來熒入太白金賊去

占賊情虛實

直符爲主六庚爲客賊來請和會戰納款等情未知虛實占之六庚落宮克直符落宮來情虛詐相生相比來意必實主宮克客宮其意不逞如伏吟以六庚本宮與直符本宮生克看之反吟來意雖實反覆無常

占來人善惡

六庚乘天蓬玄武臨直使爲賊盜子卯爲寇敵巳申爲奸邪又來人方遇四季爲奸邪四仲爲常人四孟爲才良亥子卯巳爲賊寅申辰巳爲良酉午丑未爲奸直使乘

賊神臨日支爲本日前支一日爲來日過界不來旺相猖狂休囚微弱

占偵探

直使落宮生主宮敵情可得克主宮生客宮不利克客宮吉主生直使宮吉客生直使宮亦吉直使宮自相刑克不利旺則稍可休囚大凶

占伏兵

直使在何宮以月將加本時上有巳申子卯有伏再旺相帶刑必有大戰空亡休廢雖來不戰如巳申子卯不在直使之上無伏直使宮有子卯巳申加本時干賊在前加本時支賊在後以月將加本時支于相覆賊常路險處邀截

占聞報虛實

甲乙壬癸四時聞事並虛憂喜俱無逢戊丙聞憂虛聞喜實逢六丁聞憂無大憂聞喜無喜逢己庚聞喜則無聞憂則實逢六辛憂喜平平

占出兵領餉

天輔爲餉司天冲爲將帥青龍爲餉神天輔落宮克天冲落宮餉不發天冲宮克天輔宮不吉兩相生比者發又青龍旺相比生天冲者餉多落休因廢沒者餉少

占水陸

坎水路長陸路直使落宮被生則吉克則不吉若直使宮生休生二門落宮亦可

占兵餉

休爲豆杜爲芻生爲麥傷爲谷開爲金銀天冲爲主帥五門落宮生克主帥落宮俱來又五門在四餘宮來四正宮不來

占行兵迷路

遇深山大野暮野三軍迷路以三定其法向或以天罡所指行之

法以月將加時天星在孟仲申道通在季右道通在

通百步外自遇大路

占水

休門之下見申酉爲江河小吉爲井太冲爲池塘

占陞遷

開門加生旺宮再有三奇德合格者陞遷再遇太歲月建乘吉神來生高擢甚速或有吉格不旺相或有旺相無吉格或旺相吉格太歲月建不來生亦不利

占徵召

太歲爲皇恩月建爲銓部日干爲己太歲月建乘星同生日干乘星日干落宮得吉格局主喜反此不能

占降罰

開門到鬼廢休囚之方或上帶擊刑入墓迫制者不利

占上官

占上官時所向方向東看東方所得宮神向西看西方所得宮神南北仿此以得吉格爲主所向方得吉格者陞遷無吉格星旺相者責降無吉格星休囚廢沒者不利遇反伏吟五不遇時入墓格勃飛伏等格便不必論方向

占官員歷任歸結

本官年干地盤上乘吉星吉門吉格者利若本方得吉格餘宮犯掣刑飛伏格勃及本干宮有劫殺喪門刑害者不利無吉格得奇得門得星者榮歸無吉格者罷黜凶格大不利

占官員考績

直符爲天官開門爲官星開門宮受直符宮克又休囚廢沒不得吉星吉格凶旺相者罷職得吉星者責降不受直符宮克及相生者無事

占新任官地方遠近內外安否

天禽落宮爲帝畿餘爲外地各宮六儀三奇爲分野遇甲戌同宮陽日用甲陰日用戊開門落宮上有天蓬盜賊六庚兵亂丙壬旱澇不犯此者平安各以本邦分野定地方遠近

占新任官美惡並何處人

開門爲官星九星爲人品天干爲分野如開門上乘吉星爲好人凶星爲惡人天輔文雅天任慈善天心正直天禽忠厚天冲風力天英昏烈天芮貪毒天柱奸詭天蓬大惡甲變乙海外及東夷丙楚丁岱江淮南離戊己韓衛中州河濟庚秦辛華壬燕趙魏癸常山期

占科名

日干爲士子直符爲主司天乙爲分司景門爲文章直符宮克日干宮天乙宮克日干宮景門宮克日干宮日干宮克景門宮及景門宮休囚廢沒俱失意如直符天乙生日干景門又旺相得科名再遇三奇吉門吉宿全于本人年干之上者大利

占殿試

太歲爲天子月建爲主司日干爲士子景門爲策論景門落旺相宮又得三奇並太歲月建來生日干者爲鼎甲不得三奇而太歲月建來生者爲二甲不生日干又無三奇爲三甲

占士子小試

天輔爲試官日干爲士子六丁爲文章六丁得旺方兼天輔來生又得三奇及休開生景四吉門上吉文星旺試官生不得三奇吉門次吉文星旺而試官不生或試官生而文星不旺中平文星不旺試官又克幸有三奇吉門爲下試官克文星不旺日干又在休囚宮又無奇門或得死門及諸凶格者凶

占考期

天輔爲試官冬至自坎至巽爲內自離至乾爲外夏至自離至乾爲內自坎至巽爲外文星在內者主上半年在外者主下半年

以十一月至四月爲上半年五月至十月爲下半年

更以所落宮分野定日期以十二支配八卦法決之

占試武

直符爲試官日干爲士子甲申庚爲箭甲午辛爲紅心景門爲射策以甲申庚落宮克甲午辛宮或相沖爲箭中紅心再景門得旺相又與直符相生利再三奇吉門吉

宿加本人年干大利

占投武

天冲爲武士直符爲帥主直符宮天冲宮相生則利相克不利天冲卽作直符大利遇伏吟反吟不利

占婚姻

以乙爲女庚爲夫如兩下落空相生合則成克則不成又以天盤六合落宮爲媒如六合生乙向女家生庚向男家庚乙宮相克者不成乙宮帶繫刑女性凶惡帶合女性貞良庚帶凶神夫性暴烈帶合夫性渾厚

占招贅

女招夫須天盤六庚宮生地盤六乙宮庚上得吉星主夫溫良兼長久得凶星不利男求婦須地盤乙宮生天盤庚宮可成

占娶婦

乙庚宮相生比者如期娶嫁相克害者有遷延又庚丙加年月日時干年日時干加庚丙亦然

占交易

直符爲買主生門爲所買物生門落宮爲賣主門生直符宮物可買有利門與本落宮相生爲賣主戀物難買相克則減價成交直符得旺生門宮利賣主生門宮生直符宮利買者凡欲買物賣主方得吉格者有利得凶格者物不堪凡賣物買主方得吉格者相安得凶格者有煩惱

占貿易

生門落宮旺相再有吉星及三奇飛鳥跌穴等吉格主買賣興隆如不全者平常落宮休囚星凶再六庚加己一切凶格大不利星得天冲宜春夏得天禽宜秋冬餘星不利

占利

占貿易得利多少生門落宮旺則利多相則利平休囚則利微休囚有凶格消折生門居旺相再看甲子戊乘何干以決其數

占放債

直符爲財主天乙爲取財人生門爲財神各以生克旺相論直符克天天乙生直符吉天乙克直符直符生天乙凶生門與天乙同克直符其財盡失同生直符子母俱全生門與天乙一生一克不全或遲天乙財神休囚雖生直符終無力不全或遲

占索債

傷門克天乙宮去人實心取債天乙宮克傷門彼必爭鬥傷門與天乙同生直符子母全復同克直符不還傷門生直符克天乙還生天乙克直符不還天乙旺相克傷門雖有不還休囚生傷門欲還無力或不能全天乙乘庚辛克直符必經官直符克天乙乘六丁或景門加三四宮亦經官甲子戊會開門加內地時干其債速還

占爭競

凡財物爭競直符爲先動之人爲客天乙爲後動之人爲主爭錢青龍爲主爭田產五穀衣物生門爲主直符落宮旺相六甲落宮與生門落宮又生直符利客天乙落旺宮六甲生門又生天乙利主直符旺相六甲生門生天乙先動者得理後動者得財天乙旺相六甲生門生直符後動者得理先動者得財若財神不生兩家並兩家來生財神俱不得來生兩家各得半旺相者尤多

占稱貸

直符爲物主天乙

此天乙是時干解見天乙直符之應註

爲稱貸人各以所落宮分生克論之直符生天乙

天乙克直符必遂直符克天乙天乙生直符不遂

占合夥

地盤生門爲財主天盤生門落宮爲夥家地盤克天盤不成天盤克地盤及天盤生地盤俱不利必地盤生天盤方有利

占求財

看生門落宮再看上下二盤格局吉格吉星如意一有不吉所求僅半休因不吉所求全無又切忌三吉不得全干上克下之宮事不成若吉門三奇全干生比旺相和宮之上主成

占得財

地盤時干在內地上盤得三奇休生二門天盤甲子戊亦在內地會開門則甚速不會三門遲又以本宮所得支定限若時干與甲子戊俱在外或一內一外俱遲伏吟亦然空亡不得

占訟

直符爲訟者天乙爲對者開門爲問官驚門爲訟神開驚俱克對者則對者敗俱克首訟者則訟者敗一克訟一克對則俱敗或一生一克亦不利又直符天乙旺相爲勝休因爲敗若直符生天乙則訟者求合天乙生直符則對者求息不必以驚開定勝敗矣總以落宮決之又景與奇合吉星在利宮不迫則爭訟有氣不如是不吉若

驚傷死與凶星合一宮則凶

占官事催提緩急

時干爲己直符爲官六丁爲公文直使爲公差直符宮克天乙宮六丁臨內地其提緩直符宮克天乙宮直使臨內地其提急再有擊刑來意至惡三奇至善若相生公差官長見喜相克見怒又看六庚庚爲天獄落休廢易結落旺相難結

占官事牽連

本人日干爲有事人庚爲天獄辛爲天庭壬爲天牢本人日干以地盤爲主上三凶煞天盤定之犯一星與日干同宮定牽連再有擊刑定責罰得天網枷鎖臨身再有凶格等煞連累甚重若三奇吉門各等吉格無礙若不犯上庚辛壬癸定不牽連

占文狀牽連否

頂盤朱雀落宮克時干落宮牽連反此否朱雀旺相克時干牽連必重休囚輕時干彼克旺相不妨休囚重有凶格者凶

占刑獄輕重

本人年命日干宮上星旺門吉並有三奇吉格官員責降庶人罪輕星不旺相有三奇吉門並諸吉格或無三奇得吉門並吉格與星得旺相或無吉門得星旺相臨三奇吉格俱罪輕法及己身有三奇吉格門不吉星不旺相不得吉門三奇及吉格或得

占興訟

丁爲朱雀爲訟神朱雀落陽干宮又落宮與天獄沖或乘景門訟必興若落陰干宮或投江入墓訟不興又臨旺相宮訟大起落休囚者易結

占狀詞

開門爲官景門爲狀開門宮生景門宮吉景門宮生開門宮不吉景門宮克開門宮吉開門宮克景門宮不吉又景門落宮旺相吉休囚廢沒不吉旺相生開門吉休囚廢沒克開門不吉

占罪人開釋

地盤辛爲罪人上乘吉星吉門吉格再克開門落宮或與落宮相生全者其開釋速不備者少遲若開門落宮克六辛宮再得休囚者牽纏又天網低不開高則開

占罪人輕重

開門爲問官辛爲罪人六甲句中六壬爲天牢必開門克辛宮辛又有六壬臨之防有牢獄二者缺一不害

占囚人出獄

壬爲牢所加地盤干爲罪人壬字不止甲辰壬凡六甲句中壬皆是如甲子句中壬申時卽申爲牢甲戌句中壬午時卽午爲牢餘仿此必地干克六壬所得支再得開生二門出速不得二門出遲以受克之日爲出期又必得六丁時或六丁落宮生囚人于方看開休生三門

占訟獄

六丁爲本主六庚爲被治人六丙落宮克六庚落宮六丙又旺相開門爲官落宮亦克六庚落宮六庚又得死門凶星死神死氣休囚廢沒者可置死地

占行期

時干爲起行人日干爲牽纏節制人開門爲行期日干克時干不能行時干克日干卽行日干宮上下皆有來克者得行若猶豫者看時干在外爲去在內爲不去俱看開門落宮下得何干以定其期

占走失

時干爲失主八門物類爲逃物上乘旺相星宿又乘六合不得得休囚廢沒星宿九地太陰被人藏九天遠去玄武被盜騰蛇有盤結羈縻朱雀有信勾陳有內人勾引而去又看六庚年格年獲月格月得日時亦同又天網低可獲高不可獲

占失財物

傷門落宮見玄武人盜去不見玄武自失迷玄武克八門物類宮物類宮生玄武宮

定是人盜又看六旬空亡如落空亡失迷或被盜俱不可得又在內四宮爲宅中外四宮失落遠地盤宮分論方向地盤支干論日則玄武乘陽星爲男人乘陰星爲女人有氣爲少無氣爲老又以玄武宮天盤地盤支干決賊人衣服顏色

占漁獵

傷門爲捕者甲午辛爲應甲戌己爲犬甲寅癸爲網生克論得失旺相休囚論多少天盤星克傷門宮得物傷門宮克天盤星不得天盤星傷門宮物走脫傷門宮生天盤星得上盤有甲戌宜用犬見午宜用鷹見寅宜用網地盤再休囚上盤生旺多獲反此少獲捕魚專用甲寅癸落宮克傷門宮易得不然少得

占干謁

休門宮分爲所見人時干宮爲干謁人休門宮生時干宮時干宮再有三奇臨遂意相克制無三奇不得見或不喜干求亦不如意又須彼此旺相則見休囚不吉又所住方得休門者見得開生二門未仰見餘門不吉

占訪友尋人

以所住之方地盤爲主天盤爲客要相生合再得吉門必遇如門凶上下盤相克不遇庚逢年月日時亦不遇

占訪人

所訪人在東北則看八宮所得地盤主星生對宮乘星及受對宮乘星格克皆相遇如東北西南兩方中有吉格所求皆遂凶格則不遂格則相拒丙則見不相得

占遠人

直符爲主天乙爲客各看落宮相生者無關係克直符有求克天乙求不遂相比者求遂又甲落陽干爲求財事丁落陽干爲囑託事景落陽干爲文書事

占壽

九十年爲率每宮十年天冲落宮與死門落宮遠近定其數天冲旺相一生無患休囚廢沒常坎珂將已經過壽數除訖以所得餘宮歲數斷陽遁順行九宮陰遁逆行

九宮年至三旬得四數除三十餘十年壽年至六十得九數除六十餘三十年壽餘仿此

占病

天芮爲病神生死門看生死本人年干落宮得生門者生得死門者難愈年命休囚廢沒再有凶格凶星大凶餘六門亦纏綿以天芮廢沒之月爲愈期父母病年干入墓同類病月干入墓兒女病時干入墓大凶又凶星凶門加病人年干更無救神不可救若凶星加奇門上下干相救死中得生若三奇吉門吉星更上下干有合不藥亦可

占六畜病

看八卦類神上得吉門吉宿吉格者無事反此不然

占眼病

離爲目九宮得吉門吉星吉格者無事愈速凶愈遲吉凶不分纏綿不重

占胎孕

占男女及產育難易論坤卦坤所得門爲胎天盤爲產室產室克門子不存坤克上門胎不安門克坤宮孕婦常疾天盤克地盤孕婦不安得門屬陽爲男屬陰爲女伏吟爲子戀母腹胎穩而產難見白虎爲血光神產速門到坤宮若入墓必是死胎天盤星爲門宮二者之墓不吉爲坤之墓不利母爲門之墓不利子有三奇更妙

占分居

坎離二宮爲陰陽分位之始自十一月至四月盡爲陽以坎艮震巽爲內離坤兌乾爲外五月至十月反是以年爲父母月爲兄弟日爲己身時爲子息按本局中干支推之俱兩處爲分居一處爲不分居以宮分干支照歲月定日期旺相休囚定吉凶

占遷移

凡遷移方有三奇吉門再時得天禽四季日皆吉天輔春夏大利天心秋冬大利餘星不利各以來占時看何星爲天乙定之

占賜託

天乙宮爲求託人直符爲所求人直使爲轉託人直符克直使不利生直使利直使克直符宮彼必不悅生直符宮雖允不快直使生天乙克直符不成直使生直符克天乙不利直使直符俱生天乙或俱爲天乙克事方濟有一不一亦不濟各以所落宮分定之

占間諜

直事爲主者丙爲己庚爲仇以月將加本時丙與直事所得支相冲則動不冲則不動冲動則看庚與直事乘星庚旺使囚無益庚乘星克直事星無益相生無益若直使乘星克庚乘星者間諜得行

占行詐

六丙爲己六庚爲敵朱雀爲謠朱雀落旺地六丙落宮克六庚落宮或六庚落宮生六丙落宮術得行如庚被丙克在旺相鄉或生六丙不在休囚廢沒地主半信半疑

丙被庚克或生六庚不旺相者術不行如常人訟門欲行詐日爲己年爲長輩月爲同輩時爲晚輩占法同

占行人

以本人年命合當時局中干宮爲行人以支宮爲宅舍左右爲來之遲速如東方人得西方來北方不來南方在路其期以地遠近旺相決之如行人是甲子生在南方若入坤兌乾將來過坎卽至入艮震巽三方又向他方前遇克我之卦半路有阻再帶吉凶神煞定安危又天蓬天芮俱主行人千里外看天蓬千里內看天芮時下得蓬芮來卽以時干爲來期伏吟不來反吟來三奇吉門全于行人年干上卽到凶星凶門到干必有妨礙不來又年格年來月格月至日格日到時格時回還看年月近審日時

占請人來否

請人方向地盤干克天盤干地盤星干又轉內界或所住方得開門則來如下不克

上及上克下地盤星在本方宮又不得開門主不來所謂方不落空亡得日干格來
占誰去誰不去

兩人同爲一事或各爲一事看兩人年干原宮上得何干乘之如陽乘陽干者去乘
陰干者不去俱乘陽干俱去俱乘陰干俱不去又乘旺相之星者去速乘休囚星者
去緩

占家中安否

日干爲主干生處爲家如甲木長生在亥亥寄干乾之類必乾宮地盤無凶星凶格
等家平安有凶星凶門凶格者看克害何干以日干六親決之年爲父母月爲兄弟
時爲子孫

占在外人安否

看外方上下二盤得三奇吉門及諸吉格者安反此不安看現在之方吉則吉凶則
凶又看年干臨處上下斷之又日干同斷

占遠信

六丁落宮爲信時干落宮內外爲遲速臨外遲臨內速丁奇受制休囚輕則信遲重
則無信朱雀投江永無信蛇夭矯來遲六丁帶三奇德合有吉信帶擊刑有凶信犯
入墓無信投江在內亦無信庚格亦然又景門臨于本人所居地信速如人在北方
占南方信一宮得景門主信到

占投宿店主吉凶

時干落宮遇蓬芮英柱俱主惡人餘五星吉落宮克時干主侵害時干落宮遇三奇
吉門並諸吉格雖有惡意亦不敢害如無吉格但乘旺相亦無礙如時干休囚廢沒
並凶星者侵害

占船主善惡

震三宮爲船天盤所得星爲船主得輔禽心星爲上吉冲任星爲中吉若得英芮柱
蓬星大凶船不可登

占道途吉凶

時干所落前一宮得天蓬爲賊如無不遇再看時干所加本宮得三奇吉門並得旺相及諸吉格不妨

占約期

年爲尊長月爲同類時爲後輩日爲己身在直符前者先至在直符後者後至所落宮相生比至相克不至俱在前後者亦然伏吟陽星不至五不遇及格勃皆同

占未出門先定回期

陽局天蓬在內四宮前半回在外四宮後半回陰局亦然以落宮所得支位定限

占在外得回否及何日得回

本人年命落處占時入局中如人已在在外占時其年命已落內界主回以地盤支干定期年命落界外終有牽纏難回上得吉門吉星回家平安上得凶星回家有事

占路遇伴善惡

地盤時干爲己上得何星臨之如禽心冲輔任爲吉人蓬芮英柱爲凶人惡星得旺相時干居廢沒之地主侵害時干旺相凶星廢沒不敢害俱旺相或俱廢沒亦不能害凶星克時干得休生開三門並三奇及一切吉格主害中有生意時干旺相得刑格並一切凶格者雖有侵害無防

占領文遲速

六丁與直使宮相生領文速相克遲又六丁在何宮相生卽以本宮支干定其期

占給假

直符爲尊官天乙爲卑小直符落宮克天乙宮天乙落宮生直符落宮不准假直符宮生天乙宮天乙宮克直符宮准假兩宮相比者不准

占應役

開門爲貴人直使爲己開門宮生直使宮直使上又得三奇及旺相星大吉與貴人

宮相克再有凶星休囚亦不吉

占起解

銀根以開休二門爲主二門不可見天蓬凶星等煞及再來克直使者不利解罪人以天辛爲主須休囚不可克直使直使須旺相克六辛宮若六辛生直使平安直使生六辛防欺蔽不相克制無事六辛帶六合玄武防逃走不犯惡星凶格終無慮

占犯罪起解

本人年命乘六辛落宮又得陽干再受開門宮克制其解無疑反此不然至于課不備者尙有輾轉

占和事

庚丙爲兩家相構人甲子爲主和人甲子落宮同生兩家或克兩家則和一生一克不和甲子在旺相宮庚丙在休囚宮亦和

占退役

陽局時干得三奇爲退得六儀時干不能退如丙時該退上有六庚臨爲太白入熒凡事主進不能退陰局時干得三奇爲進得六儀爲退如丙下臨六庚爲熒入太白凡事主退亦能退

占捕盜

天蓬玄武爲盜傷門宮爲捕人時干宮爲物主傷門宮克天蓬玄武宮易尋時干宮克天蓬玄武宮易捕傷門宮生天蓬玄武宮不實捕天蓬玄武克時干傷門難獲傷門蓬武同宮時干再克必獲蓬武同宮黨聚一處不同宮在四方旺相難獲休囚易獲乘六庚爲大盜不然爲小寇天網低可獲高不可獲

占捕亡

六合爲逃人傷門爲捕者六合宮生傷門宮自歸克傷門宮不得傷門宮克六合宮易得生六合宮有賄賂傷門六合同宮有欺蔽植年月日時格可獲天網在一二三四宮可獲在五六七八九宮難獲人假合白人熒同宮必獲又陰時獲陽時不可獲